

mè nati, spurii, seu vulgo quæsitii. Etenim in hisce non reperitur turpe aliquod factum. Ergo etiam nulla infamia affici poterunt: interim macula laborant, quòd illorum causa, scilicet illegitima conjunctio sit turpis, jure divino & civili.

*Infamis infamiâ Juris planè repellitur à testimonio, l. 3. ff. de Testib. l. 2. ff. de Senatorib.* infamia siquidem omnem enervat fidem, nisi in casu, ubi alii testes haberi non possunt; tum quidem admittitur infamis, sed cum tormentis. Ratio autem, quare infamis repellatur à testimonio, est, quia fundamentum testimonii est fides, infamis autem fide caret, cum sit maculatus ex Juris dispositione. Marquard Freherus, *l. 3. c. 27. num. 1 p. 596. de Existimat.* Deinde testimonium ferre est dignitas & computatur inter actus legitimos: cum tamen ea, in quibus versatur dignitas, infamibus sint interdicta, ut & ab actibus legitimis ipsi penitus sint exclusi, & consequenter facultas ferendi testimonii ipsis sit ademta. Nepos de Monte Albano *de Testib. num. 28. & seqq. pag. 5. & 6.* Nellus *de Testib. num. 19. p. 110. 111.* Alberic. de Maletis *de Testib. part. 3. num. 3. p. 247.* Farinaceus *lib. 2. tit. 6. qu. 5. n. 26. 27. seqq. & fol. 64.* In crimine tamen læsæ majestatis, hæresi, & delictis nocturnis, item quando infamis contra alium infamem producitur testis, potest quidem testificari, attamen non est integræ fidei. Hahn ad Wesemb *ff. de Testib. num. 3. p. 71.* Ita Judæus non potest esse testis contra Christianum, sed contra Judæum validè potest testificari: pro Christiano tamen rectè testimonium prabet. Campeg. *de Testib. reg. 46. p. 921.* Judæi enim habentur pro infamibus, Marquard. Freher. *l. 3. c. 19. p. 516. de Existimat.* Crotus *de Testibus part. 4. num. 37. p. 485.*

*Infamis infamiâ facti in civilibus quidem quadammodo, non verò in criminalibus ad testimonii dictionem admitti potest,* nisi in casu, quò aliter veritas haberi nequeat: ubi tamen, quando admissi sunt, plenam probationem non faciunt, sed saltem indicium & præsumtionem. Campeg. *de Testibus. reg. 31. fall. 3. p. 618.* Vide Crotum *part. 3. de Testib. num. 30. & seqq. p. 456.* Farinaceus *l. 2. tit. 6. qu. 56. num. 120. & seqq. p. 73.* Nec potest in matrimonialibus infamis esse testis. Hahn. ad Wesemb. *ff. de Testibus num. 3. fol. 71.* Eleganter hæc omnia persecutus est Marquard Freherus *l. 3. c. 27. per tot. p. 595. & seqq.* *Qui levi macula laborat, ejus testimonium attenuatur,* quoniam vilibus computatur personis. Huc pertinent quoque Perjuri, falsi testimonii convicti, publico judicio damnati ob adulterium, vel repetundas, *l. 18. ff. de Testib. l. 15. ff. cod.* Et qui ob car-